



Ek wil asb inteken op Verskil / Kanselleer asb my intekening op Verskil

- ❖ Noordelike Sinode se **facebook** (<http://www.facebook.com/noordsin>) en **twitter** (<http://www.twitter.com/noordsin>)
- ❖ Verskil-argief
- ❖ Geloofsvorming webblad: www.noordsingeloof.co.za
- ❖ Lig & Kerkbode
- ❖ Stabilis: www.stabilis.org.za
- ❖ Badseloop kampterrein: *nuwe webwerf*: <http://www.badseloopjeugkamp.co.za/>
- ❖ Emmarentia Geldenhuys Sendingsentrum: *nuwe webwerf*: www.egst.co.za
- ❖ Kerkgeboue in SA: <https://www.facebook.com/Kerkgeboue>



30 Januarie 2015

Nr 02/2015

Sake vanuit die kantoor van die Algemene Sinode

Die volgende word deurgegee as deel van die kommunikasie van die Dagbestuur van die Moderamen aan die kerkverband:

1] Biddag vir Onderwys: 8 Februarie 2015

Dr Gustav Claassen, die Algemene Sinode se verantwoordelike persoon vir onderwyssake, het die **aangehegte dokument** voorsien met die oog op Sondag 8 Februarie 2015. [\[klik hier\]](#)

* *Gebruik asseblief van die inligting en wenke in die dokument.*

Baie dankie vir die aandag aan hierdie belangrike saak vir ons kerk, kinders en land.

2] Uitnodiging tot bydraes vir die werk van die Algemene Sinode se Taakspan Homoseksualiteit

* Die **Taakspan** van die Algemene Sinode van die NG Kerk insake **Homoseksualiteit** nooi hiermee alle belanghebbendes uit om skriftelik 'n bydrae te lewer tot die werk van die Taakspan in opdrag van die Algemene Sinode 2013 (... gee opdrag aan die Algemene Sinode Moderamen om in voortsetting van die 2007 verslag oor homoseksualiteit 'n studie te doen oor die status van selfdegeslagverhoudings in die lig van die Skrif en Gereformeerde tradisie): d.i. 'n ondersoek na die status (juridies en eties) van selfdegeslagverhoudinge.

* Hierdie bydrae moet asseblief fokus op die status en **etiese** vrae rondom selfdegeslagverhoudinge. Wat is die 'voorwaardes' waarbinne 'n verhouding tussen twee persone as eties gelukkig beskou kan word en sluit dit persone van dieselfde geslag uit of in?

* Beperk asseblief u bydrae tot 5 A4 bladsye en e-pos dit aan algemenesinode@ngkerk.org.za of pos dit aan:

Taakspan Homoseksualiteit, Posbus 13528, Hatfield 0028.

* Alle bydraes moet ons asseblief bereik **voor 31 Maart 2015**

Stabilis

Dr **Michiel van der Merwe**, *Uitvoerende Direkteur* nooi jou vriendelik uit om www.stabilis.org.za te besoek en meer oor dié organisasie se werksaamhede uit te vind.

* [Klik hier](#) vir hulle **nuutste nuusbrief** met onder andere inligting oor "hubbly bubbly" en dat hulle nou 24/7/365 persone kan opneem en/of help met afhanklikheidsprobleme...

* Vir hulle **kursus-beplanning** vir die jaar, onder andere 'n werkwinkel oor internet/dobbel afhanklikheid [klik hier](#).

* **Navrae**: tel 012-333 7702 / 082 462 3529

Sinodale nuus

❖ Sinodesitting: Artikel 1 : 13 Februarie 2015

**** Waarnemers** wat die sinode wil bywoon, moet asseblief **vooraf registreer** - dit is baie belangrik omdat ons die getalle benodig.

- Registreer asseblief by Hermien (tel: 012-440 6525 | e-pos: hermien@noordsin.co.za) of klik **HIER** om te registreer.
- **Koste:** Waarnemers betaal R150.00 per persoon in die volgende rekening:
Nedbank, Pretoria
Tjekrekening
Rekeningnaam: NG Noordelike Sinode
Takkode: 149745
Rekening nr: 1497016339 - **Verwysing:** Voorletter, Van en "Gas – 13 Feb"
- ** **Finale inligtingsbrief:** [klik hier](#) – maak asseblief die inligting bekend.
- ** **Kom ons luister na mekaar:** *Standpunte en beskrywingspunte* kan nou alreeds aan Hermien Swart of Immanuel van Tonder gestuur word wat dit dan op ons sinode se webbladsy sal laai. Klik [hier](#) om te sien wat alreeds gelaai is.

❖ Bybel-lees met 'n verskil:



- ** **Byeenkoms:** Dinsdag, 3 Februarie 2015 om 11:00 by **Blue Crane Restaurant** -
- Teksgedeelte:** Jesaja 40:21-31.
- >> **Fanie Cronjé** (083 415 1452) en **Kobus Myburgh** (083 227 7185) ontmoet jou graag daar.

Kollega nuus



Claudi le Roux se lewe word gevier

Ds Claudie le Roux, leraar van Valhalla, is verlede Vrydag oorlede na 'n ernstige motorongeluk. Sy is die dogter van dr Roelf Oppermann van Kameeldrif. Haar dankdiens het Woensdag vanuit Kameeldrif plaasgevind.

* Haar man Ewald het die volgende gesê: *"Ek vra dat julle saam met my haar legacy sal laat voortleef, gaan doen iets selfless vir iemand anders en verwag niks terug nie."*

** Klik hier vir die blad wat spesiaal ter ere van haar en haar lewensuitkyk geskep is: <https://www.facebook.com/500YellowBalloons?fref=nf>

❖ Beroepe en bevestigings

Dalunie: het proponent **Rocco De Ville van Niekerk** beroep.

Valhalla: ds **Louis (LJ) Fourie** is bevestig as leraar (termynpos) vanaf 1 Februarie 2015.

❖ Verjaarsdagwense - Hartlik geluk aan die volgende persone wat verjaar het:

- 01/02 Frikkie Delport [Pietersburg-Noord, 079 891 6211, frikkie@ngnoord.co.za]
Ewald Schmidt [Nylstroom-Oos, 082 579 6648, ewald@ngoos.co.za]
- 03/02 Joggie Kotze [Dwaalboom, 060 383 0639, joggiekotze@koten.co.za]
Sharaine Steenberg [Pretoria, 083 288 7755, sharaine@pen.org.za]
AJ Prinsloo [Emeritus, 031 903 6890]
- 05/02 Tinus Benadé [Thabazimbi, 083 235 6438, mbenade@lantic.net]
-
- 06/02 Elize Berrangé [Rustenburg-Bergsig, 082 925 3634, pieterb@ngbergsig.co.za]

Emeriti nuus

❖ Uitnodiging

Louis van Deventer (in opdrag van die Taakspan vir Predikantebegeleiding) skryf soos volg:

"Indien u een van die geëmeriteerde dominees (emeriti) is, en die VERSKIL ontvang en lees, en nog nie 'n skrywe van my ontvang het nie (of dalk ontvang het en nie gereageer het nie), is u nou baie welkom om saam te werk. Laat hoor asseblief van u; my epos-adres is louisvand@absamail.co.za, of u kan ook vir Hermien Swart in die Noordelike Sinode se kantoor skryf by Hermien@noordsin.co.za

* Dit sal goed wees as vir ons in kennis stel van nuuswaardighede in u familie, soos siekte, dood, prestasies en ander.

* Ons weet daar is baie dominees wat oor die sestigs is en wat moet begin gereed maak vir aftrede. As ons mekaar in dié verband kan help, sal dit goed wees.

* Dalk kan daar 'n bietjie kommunikasie ontstaan tussen diegene wat aftrede oorweeg en die wat reeds daardeur is. Só sou ek byvoorbeeld kon begin deur twee boeke oor aftrede wat ek gelees het aan te beveel: *"The healing journey through retirement"* wat deur John Wiley uitgegee is, en *"How to retire happy, wild and free"* deur Ernie Zelinski.

* Uiteraard is beplanning en voorbereiding met die oog op aftrede noodsaaklik. Só is 'n emosionele gereedmaak vir die aanpassings van bv iemand met 'n posisie, verantwoordelikhede en 'n vol program na "niemand" sonder werk baie belangrik. Finansiële beplanning is uiters belangrik; besluite oor die hantering van u pensioen, beleggings, mediese fonds ens moet geneem word. Testamente en benoeming van begunstigdes moet op datum gebring word.

* Die Taakspan vir Predikantebegeleiding is van mening dat die van u wat gereed maak vir aftrede moontlik gebruik kan maak van die kennis en ervaring van emeriti wat reeds deur die meule is.
* U deelname en opinies sal waardeer word.
Beste wense vir die die deel van die jaar wat nog voorlê”.

Gemeente-nuus

❖ **Wonderboompoort** (Mountain View, Pretoria) benodig die dienste van 'n **ervare projektebestuurder** om behulpsaam te wees vir die ontwikkeling van 'n *gedenktuin op die kerkgronde*.

* Die persoon se ervaring is baie belangrik en behoort bewys te kan lewer van die suksesvolle afhandeling van soortgelyke projekte. Vergoeding is onderhandelbaar.

Kontak *Ferdie Bergh* (Gemeente Bestuurder) by telefoon 012 379 2464 tussen die 08:00 tot 12:00 en 13:00 tot 16:00 op Maandae; Dinsdae; Donderdae en Vrydae. E Pos: ferdie.bergh@gmail.com

❖ **Kameeldrif: Jeuggroep Fasilitering Werkswinkel**

** *Het jy die kinders net een uur per week by jou en wil jy die tyd benut om regtig 'n verskil in die kinders se lewens te maak? Glo jy dat geloofs- en lewenswaarhede deur ervarings versterk kan word? Twyfel jy of jou manier van aanbieding regtig die kol tref?*

** *Dan is die werkswinkel net vir jou!!*

- Datum: Saterdag **07 Februarie 2015**
 - Tyd: 09:00 - 15:00
 - Plek: NG Kerk Kameeldrif
 - Koste: R380.00 per persoon
 - Aanbieders: Roelf Opperman, Fritz Snyman
- >> **Werkswinkel is vir leraars, jeugwerkers en kategete.**
>> **Kliek [HIER](#) om in te skryf**

Ander nuus

❖ **Hospivisie kursusse**

> **Advanced short course in trauma counselling (Accident and Emergency Unit Focus)**

Datum: 23-25 Februarie 2015 (08:30-16:00)

Koste: R950.00

Navrae en registrasie: Tel 012-329 9492 / friend@hospivision.org.za

Verdien 20 VBO punte

> **Short course in spiritual care and counselling for the sick**

* **Datum:** 9-11 Maart 2015

❖ **Jaarkursus : Pastorale Sorg en Krisis Berading**

Rustenburg: Februarie – Desember 2015 - Die oogmerk van hierdie kursus is gevolglik om persone wat 'n passie vir andere se seer het, toe te rus om pastorale begeleiding te kan bied aan diegene wat deur trauma en krisis geraak is. Die kursus is baie sterk prakties gerig met talle praktiese voorbeelde wat telkens as toepassing dien van basiese teoretiese uitgangspunte geskoei op Bybelse vertrekpunte. Afgesien van die akademiese toerusting wat hierdie kursus bied, hou dit ook 'n groot stuk geestelike groei en verryking in – u mag nie hierdie geleentheid misloop nie!

Status van kursus: Noordwes-Universiteit Sertifikaat (NWU)

Vir navrae kontak die Kursusleier: Dr Hennie Kotze 0826157272

❖ **Kursus in Pastorale Opleiding, Berading en Gemeenskapsdiens – aangebied deur ALFA Pastorale Opleiding, Berading en Gemeenskapsentrum (gestig 1987)**

* **Datum:** 1 Maart 2015 tot 29 Februarie 2016

* **Teikengroep:** Studente, predikante, jeugwerkers, onderwysers, maatskaplikewerkers, enige professionele persone, en persone wat verryk wil word. [Persone moet rekenaar geletterd wees of toegang daartoe hê]

* **Werkswinkels:** Ses werkwinkels/kontaksessies (2 in Pretoria, 2 in Bloemfontein en 2 in Stellenbosch)

* **Status van kursus:** Sertifikaat. [Geakkrediteer deur *Excelsus Sentrum vir Bedieningsontwikkeling van die Teologiese Fakulteit by die Universiteit van Pretoria.*] *Verdien 100 VBO punte*

* **Registrasie:** Tot en met 28 Februarie 2015

* **Navrae:** Dr Jan Botha (tel 012 5463545, sel 0764815683 en e-pos jan@pastorelepraktyk.co.za) of dr Retha Kruidenier (tel 012 3291352, Sel 0824138462 en e-pos retha@geo-logic.co)

** *(Die kursus is geadverteer in die Kerkbode en LIG, asook bekendgestel deur 'n artikel in die Kerkbode deur die redakteur, Neels Jackson)*

❖ **Retreat**

* **Datum:** 17-19 April by Hartbeespoortdam (Good Shepherd) - van Vrydag om 18:30 tot Sondag 13:30

* **Tema:** NAVOLGING VAN JESUS - Aangebied deur Willem en Joke Nicol.

- * **Inligting:** epos: wnicol@mweb.co.za of skakel 012 345 2927 of 083 966 7831.
- * Inskrywings voor 25 Maart. [[Lees hier meer...](#)]

❖ **“Fresh Expressions” van die Kerk 2015** - U word hartlik uitgenooi om die volgende kursus by te woon:

Afskop op **04 Maart 2015** te **Polokwane** met 'n naweek te **Heron Bridge 29-31 Mei 2015**

** **6 kontakgeleenthede** vind plaas in Polokwane en word op 'n Woensdag van 09:00 – 16:00 aangebied



** **Afsluiting: Woensdag 30 September 2015**

** **Koste:** R 2 750-00 p/p - Deposito: R1 200 deposito is betaalbaar

** **VBO-punte:** 60 punte

** **Kontak** Hannes Bezuidenhout, 083 382 1275, hannes@ngnoord.co.za

** **Taal:** Kursus sal in Engels aangebied word

>> Sien [aangehegte dokument vir meer inligting](#)

❖ **Sentrum vir Kontekstuele Bediening, UP:** [Kursusse](#) [[klik hier](#)]

Vakatures, aflosposte en aflos-aanbiedinge

❖ **Lys van leraars wat aangedui het dat hulle beskikbaar is** om [deelyds of op 'n kort termyn](#) uit te help - [Klik hier](#)

❖ **Vakatures op Kerkbode se webwerf:** Heelwat vakante poste oor die land heen is tans beskikbaar. Die amptelike bekendmaking van vakatures vir predikante is by www.kerkbode.co.za. Klik by **Amptelik – Vakatures**.

Ten slotte

Soek die verskil... [[klik hier](#)]

BYLAES

Biddag vir onderwys - 8 Februarie 2015

Oorsig oor die stand van onderwys

Op die gebied van die onderwys is die uitdagings steeds enorm. Dit is egter ook so dat daar vordering gemaak is met sekere van die probleem areas. Die kerk is dankbaar dat daar talle rolspelers, van die minister van basiese onderwys tot by onderwysers in die klaskamer is, wat uitstekende werk doen. Die minister is een van die min politici wat bereid is om te erken dat daar probleme is. Dit is 'n stap in die regte rigting.

Van die groot uitdagings is steeds dat twee-derdes van alle skoolbeginners steeds nie 'n matrieksertifikaat behaal nie. Die 2.4%-daling in die slaagsyfer (75.8% in 2014 teenoor 78.2% in 2013) is allerweë verwag, as gevolg van die implimentering van CAPS (KABV). Sedert die inwerkingstelling van die jaarlikse nasionale assesseringstoetse (ANA's) in 2012 het die gemiddelde wiskundepunt vir gr. 9 van 13% tot 10,8% gedaal. Leerders se gebrekkige begrip van wiskundige konsepte, sowel as onderwysers se klaarblyklike gebrek aan die nodige kennis is die redes vir die swak punte. Die feit dat 80% van leerders nie in hul moedertaal onderrig ontvang nie, speel 'n bydraende rol.

Onreëlmatighede by sekere eksamensentrums het 'n klad veroorsaak op die 2014 uitslae. Hopelik sal maatreëls in plek geplaas word om soortgelyke insidente te voorkom.

Die Kerk sou graag 'n beroep op die departement wou doen om dit te heroorweeg om die name van leerders teenoor hul uitslae te publiseer. Leerders, ouers, onderwysers en skole wat streef na uitnemendheid verdien om daarvoor erkenning te kry. Positiewe erkenning het meer waarde as om die negatiewe te verbloem, wat uiteindelik die hele stelsel negatief raak.

Vanuit 'n kerklike perspektief is 2015 'n jaar wat die hofsaak rondom godsdiensoonderrig op skole baie belangstelling sal uitlok. Ses skole is gewikkel in 'n hofaansoek wat hulle wil dwing om hul Christelike gebruike te laat vaar en dit ongrondwetlik te verklaar. Paul Colditz, uitvoerende hoof van die Federasie van Beheerliggame van Suid-Afrikaanse Skole (Fedsas) wat die skole in die aansoek bystaan, is van mening dat die hofaansoek die “omvangrykste en

belangrikste” is waarby hulle tot nog toe betrokke was. Dit raak nie net die ses skole nie, maar alle skole. Die saak raak die kern van hoe Suid-Afrika in 'n grondwetlike bestel funksioneer.

Die Organisasie vir Godsdiensoonderrig en Demokrasie (Ogod) vra die hof in 'n toetszaak om dit ongrondwetlik te verklaar dat een geloof bo 'n ander in openbare skole uitgeleef word. Die organisasie vra die hof ook om ses skole se Christelike gebruike met 'n interdik te verbied en ongrondwetlik te verklaar. Dié skole is die Hoërskool Linden in Johannesburg, die Laerskool Randhart in Alberton, die Laerskool Baanbreker in Boksburg, die Laerskool Garsfontein in Pretoria, die Hoërskool Oudtshoorn en die Langenhoven Gimnasium in Oudtshoorn.

Dié skole was veronderstel om al in Oktober op Ogod se aansoek in die hooggeregshof in Johannesburg te antwoord, maar het uitstel gevra. Die NG Kerk is van voorneme om saam met ander denominasies en geloofsgroepe as 'Vriend van die hof' op te tree. Vir hierdie belangrike saak word lidmate se voorbidding en ondersteuning gevra.

Biddag vir Onderwys en opleiding – 8 Februarie 2015

Soos die gebruik in die verlede, bied die Biddag vir onderwys en opleiding, 'n uitstekende geleentheid vir gemeentes om by skole in hulle omgewing betrokke te raak. Skole word deur die kerk as belangrike vennote saam met ouers in die opvoeding van jongmense gesien. Die Biddag op 8 Februarie is 'n geleentheid om solidariteit met skole te demonstreer. Leerders, onderwysers en ouers is lidmate van die kerk en verdien die onderskraging en bemoediging van die kerk gesien in die lig van die talle uitdagings.

Die volgende wenke kan help om van die 8ste Februarie 'n betekenisvolle geleentheid te maak:

- Nooi plaaslike onderwysers, skoolhoofde na die spesifieke erediens. Doen spesifiek vir hulle voorbidding tydens die liturgie. Sing hulle 'n seënbede toe. Besoek die plaaslike skole, nooi ander leraars saam, neem iets wat tydens pouse saam in die personeelkamer geniet kan word, saam. Gee die leraars geleentheid om vir die personeel voorbidding te doen.
- Bied hulp en ondersteuning aan, vra waar daar behoeftes is waar die kerk mee kan ondersteun. Dit kan 'n verskeidenheid wees: fasiliteite, mannekrag, kundigheid, hulp met kinders in die na-skool (bv. hulp met huiswerk ens.), voedselprojek vir minderbevoorregte kinders, ekstra klasse in Wiskunde, Wetenskap ens.

Sake waarvoor voorbidding gedoen kan word:

- Die ministers van Onderwys, plaaslike onderwys-strukture.
- Dankbaarheid vir uitstekende skoolhoofde en onderwysers, dosente, ouers en leerders.
- Plaaslike skole, skoolhoofde, beheerliggame, onderwysers, ouers en leerders.
- 'n Fokus vir 'n eie gemeentelike betrokkenheid.
- Voorbidding vir werklose jongmense

Wees kreatief en laat weet wat werk vir julle in die inrigting van die geleentheid sodat ons dit volgende keer met ander kan deel.

Sterkte en seën

Gustav Claassen.

[Terug](#)

“Vars uitdrukkings” van Kerk 2015



Ons almal in die hoofstroom kerke ervaar dat demografiese skuiwe en die post-moderne kultuur al hoe meer die tradisionele verstaan en uitdrukkings van kerkwees uitdaag. Lidmaat getalle is besig soos om nog nooit te vore nie, te kwyn. Daar is egter wel 'n positiewe tendens dat baie meen hulle is nie “moeg vir Jesus nie, maar wel vir die kerk.” Dit skep nuwe geleenthede om geloofsgemeenskappe te stig. Maar hoe doen 'n mens dit?

Vars uitdrukkings van kerkwees is 'n strategie wat amptelik deur die Anglikaanse en ander kerke in Engeland die afgelope 10 jaar aanvaar is, waardeur elke gelowige en gemeente aangemoedig word om naas die bekende en bestaande maniere van kerkwees ook nuwe, vars maniere van kerkwees daar te stel vir die al groter wordende getal kerkvervreemde mense in Engeland.

Ook in die lig van die Algemene Sinode se onlangse verslag van 2011, getiteld “Die Missionale Aard en Roeping van die kerk”, wat kerkplanting aanbeveel as vaardigheid vir alle predikante, die groot demografiese veranderinge wat in die meeste Suid-Afrikaanse gemeenskappe plaasvind, asook die krimpende getalle wat baie gemeentes in SA beleef, het die oortuiging ontstaan dat ons as NG familie van kerke baie by die *Fresh Expressions*-beweging in Engeland kan leer.

Na 'n onlangse besoeke van Biskop Graham Cray, die hoof van die beweging in Engeland, het Communitas (Sentrum vir gemeentebegleiding) besluit om *Ekklesia* (Ekumeniese Sentrum vir leierskapontwikkeling) te versoek om 'n vennootskap met FE Engeland aan te gaan met die oog op die aanbieding van hulle hoofkursus. Hierdie kursus word *Mission Shaped Ministry* (MSM) / *Missionaal Gevormde Gemeentes* (MGG) genoem.

Die aard van die kursus:

Theologies missionaal, proses gedrewe en praktyk georiënteerd.

Waardes van die kursus:

1. Ekumenies
2. Geestelik verrykend
3. Aanpasbaarheid
4. Gemeenskap vormend
5. Inklusief
6. Volwasse onderrig
7. Praktyk georiënteerd
8. Gebed gebaseerd

Wie kan die kursus bywoon?

Leraars, gemeenteleiers, sendelinge en lidmate wat:

1. Besig is om 'n nuwe bediening te ontwikkel.
2. Beplan om 'n nuwe bediening te begin.
3. Hul bestaande gemeente wil transformeer om meer missionaal te wees en te funksioneer.

Waar en wanneer word die kursus aangebied in 2015?

Polokwane: Woensdae NG Pietersburg-Noord, h/v Dorpstraat en Dr Annecke straat, Hospitaalpark, Polokwane.		
Woensdag	04 Maart 2015	09:00 – 16:00
Woensdag	22 April 2015	09:00 – 16:00
Naweek te Heron Bridge in Midrand 29-31 Mei 2015 Gauteng en Limpopo		
Woensdag	10 Junie 2015	09:00 – 16:00
Woensdag	22 Julie 2015	09:00 – 16:00
Woensdag	19 Augustus 2015	09:00 – 16:00
Woensdag	16 September 2015	09:00 – 16:00
Afsluitingseremonie: Saterdag, 30 September 2015		

Temas:

Tydens die 6 maande opleiding sal kursusgangers 24 modules deurloop, sekere modules is opsioneel.

Voorbeelde van temas:

God se sending; Missionale gemeentewees; Dissipelskap; Evangelisasie; Missionale leierskap
Missionale waardes; Evangelie en kultuur; Kinders en jeug; Missionale kleingroepe
Ontwikkeling van nuwe bedieninge

Taal:

Kursus sal in Engels aangebied word.

Koste van die kursus: R2750 pp

Die sluit die volgende in:

'n Lêer met volledige studente kursusmateriaal. Materiaal slegs in Engels beskikbaar.
Verversings tydens die 24 sessies.

Kerkrade:

Lidmate en leraars word aangemoedig om by hulle Kerkrade aansoek te doen vir finansiële ondersteuning.

Deposito:

R1200 deposito is betaalbaar voor 25 Februarie 2015.

Registrasie en navrae:

Hannes Bezuidenhout, 083 382 1275, hannes@ngnoord.co.za

Indien u belangstel om die kursus ook in u omgewing in 2015 te laat aanbied, doen navraag by Philip Botha, 082 823 2272, philipb@sun.ac.za.

Akkreditasie:

'n Sertifikaat sal aan suksesvolle kursusgangers tydens 'n akkreditasie geleentheid oorhandig word. Minstens 20 modules moet bygewoon word. Geen eksamen word geskryf nie, wel lees en tuiswerk.

[Terug](#)

Retreat: 17-19 April 2015

Waar: Hartbeespoortdam (Good Shepherd) - van Vrydag om 18:30 tot Sondag 13:30

Tema: NAVOLGING VAN JESUS

Aangebied deur: Willem en Joke Nicol.

Inskrywings voor 25 Maart asb.

* Betaal met inskrywing liefds die volle bedrag, anders R300 deposito.

* Prys vir volle losies: R1260 per persoon vir 'n enkelkamer en R1140 as jy 'n kamer met iemand van eie keuse deel.

* As jy wil inskryf:

1. Sms vir Helena Sander om te vra of daar nog plek is: 0823352290

2. Sodra jy 'n ja per sms ontvang, kan jy betaal: HJM Sander, Absa spaarrekening 113091088 (Tak: Woodlands, takkode 630-193)

3. Skryf "retreat + jou van + jou noemnaam by die betaling

4. Epos 'n bewys van betaling aan Helena by sanderhelena0@gmail.com

5. As jy dit deur die bank stuur, stuur dan net 'n aparte epossie vir Helena, want ons benodig jou eposadres

6. Meld duidelik daarop vir watter bywoners die betaling is

* Indien jy nog nie gewoond is aan periodes van sowat 20 minute stilte nie, laat my weet en ek kry jou vir 'n kort kursus in stilword op Maandagaand 23 Maart om 19:00 in Sunrise View kompleks, Rietvalleirand (roete sal verskaf word).

* As jy meer inligting benodig: wnicol@mweb.co.za of 012 345 2927 of 083 966 7831.

[Terug](#)

Vakatures, aflosposte en aflos-aanbiedinge

- **Frans Du Plessis**, Uitvoerende Sekretaris vir Kommunikasie by KAMCARE, is beskikbaar vir preekbeurte. Kontak hom by 012-756 4207, 084 870 5003, frans@kamcare.org.
- **Jan Viljoen** is beskikbaar vir preekbeurte/aflos. Kontak hom by 081 241 0676 / 012 310 9114/ dsJanViljoen@gmail.com
- **Stanley JJ Strydom** is 'n beroepbare predikant en beskikbaar vir aflos preekbeurte en kan reis. Kontak hom by 083 299 1090, stanley.strydom@gmail.com
- **Ernst Muller** in samewerking met die Taakspan Diensgetuie is beskikbaar vir bemoedigende uitreikgerigte boodskappe. Kontak hom by 012-527-0015 / 082-656-1107, erdvark@xsinet.co.za
- Emeritus **Bertus van der Westhuyzen** is beskikbaar vir afloswerk landswyd, sowel as in Namibië. Kontak hom by b@telkomsa.net of 082 788 4466
- **Corne Burger** is beroepbaar en ook beskikbaar vir afloswerk in gemeentes en speel verskeie musiekinstrumente wat hy in die bediening gebruik. Kontak hom by 073 759 0451 of corne.strings@gmail.com
- **Corrie Greeff (beroepbaar)** is beskikbaar vir afloswerk en preekbeurte. Kontaknommer: 0829285586. E-pos: cwgreff@absamail.co.za
- **Danie van Niekerk** - gelegitimeerde leraar met volle predikantstatus beskikbaar vir deeltydse of voltydse bediening. Woonagtig in Centurion en is ook beskikbaar vir preekbeurte. Kontak besonderhede: Ds D van Niekerk, epos: vanniekerkmail@gmail.com en selfoon: 082 045 6881
- **Dr Jannie Botha** - Pretoria en omgewing. Kontak hom by telefoon: 083 303 9767 of 012 344 3768 of jjbotha@mweb.co.za
- **Dr Louis van Deventer** is beskikbaar om af te los in 'n gemeente. Kontakbesonderhede: e-pos louisvand@absamail.co.za Landlyn: 012 567 6566. Selfoon: 082 567 0945

- **Anton Binneman** is beskikbaar vir aflos preekbeurte. Kontak hom by sel 083 236 3590, of drbinneman@gmail.com.
- **Ds SSB (Fanie)Steyn** is ook beskikbaar vir preke en hulp in Gemeentes. Bly ook in Pretoria. Kontak hom by 012-997 5003; sel 082 441 1500; fsteyn7@gmail.com
- **Francois Schwalb** het verlede jaar gelegitimeer nadat hy sy Teologiese opleiding by Stellenbosch Universiteit voltooi het. Hy werk tans by ZZ2 in Limpopo (Mooketsi - naby Tzaneen) as bemarker. Hy is beskikbaar om af te los of preekbeurte waar te neem by gemeentes in die omliggende area. Kontak hom by francois@zz2online.com of 083 257 8405 / 015-395 8207.

Teologiese studente en proponente:

* Neem asseblief kennis dat die "rubriek" ontstaan het nadat ons navraag ontvang het vanaf gemeentes wat leraars se hulp op 'n kort termyn nodig het, asook leraars wat beskikbaar is om deelyds of op 'n kort termyn te help.

* Die Fakulteit (Univ van Pretoria) stel, net na die legitimasië gedurende November, wel die name en kontakbesonderhede van die proponente beskikbaar. Dit word dan in die Kerkbode opgeneem en wyd versprei.

[Terug](#)

Ten slotte



[Terug](#)